

欽定石渠寶笈三編

欽定石渠寶笈三編

養心殿藏四

皇上御筆

養正圖讚

辛未一冊

題月令輯要

壬申一冊

明窗四箴

壬申一冊

養心殿記

壬申一冊

省躬迪德

癸酉一冊

牖世宣謨

一冊  
癸酉

書君牙

以下一冊

未題年月

書詩小雅七篇

一冊

書詩雅頌四篇

一冊

節書大寶箴

一軸

書鄒鳴雷與王穉登書

一軸

列朝名人書畫

宋董源溪山風雨圖

一卷

宋王詵瀛山圖 一卷

明唐寅山居圖 一卷

明陸治丹楓秋色 一卷

本朝臣工書畫

成親王書

御製養心殿記 一冊

張照書

聖祖仁皇帝

世宗憲皇帝

高宗純皇帝耕織圖詩并附圖 八冊

勵宗萬畫

高宗純皇帝御製灤陽別墅詩意 一卷

勵宗萬畫

高宗純皇帝御題趙伯駒桃源圖詩意 一卷

勵宗萬書熙朝雅頌 八冊

汪由敦書鮑照舞鶴賦 一卷

汪由敦書孫綽遊天台山賦 一卷

嵇璜書

高宗純皇帝御製夜亮木賦 一卷

嵇璜書劉咸蒿山賦 一卷

李世倬畫山水 一冊

御筆養正圖讚 一冊

本幅紙本摺裝二十二幅皆縱五寸四分橫一尺八分

御筆楷書

養正圖讚 寢門視膳稽古文王允稱達孝日  
三問安萬世垂教出於自然聲音笑貌子職勤  
思竭誠仿倣 膳斥鮑魚賢傳輔儲起居同處  
鮑魚異常勿令登俎小節不踰大德就緒匡正

自童聖功無阻

振貸貧民。聞善即行。抒於誠。

惻民足國安。上盈下損。發政施仁。必先立本。天

下平均。思深慮遠。丹書受戒。齋戒三日。面述

丹書。敬畏邦固。怠忽國除。公義永守。私欲全祛。

萬古君鑑。景仰殷予。臨朝四輔。四聖輔主。周

室日興。成王中立。道充弼承。磨礪漸染。從善服

膺。進賢遠佞。惕若繼繩。桐葉封虞。削桐為珪。

手授少弟。史佚命封。唐侯卜世。君無戲言。絲綸



所繫聞善必從。允稱哲睿。亟用賢人。有為之  
主。見與衆殊。得賢亟用。卓識不拘。舉火授爵。心  
悅誠輸。略小取大。進善良謨。戒君節飲。上下  
聯情。酒以成禮。火繼樂酣。留連失體。卜夜力辭。  
言有根柢。觀國嘉賓。八世大啟。善言格天。君  
與臣民。原同一體。何忍移災。願以身俟。片言感  
通。三舍退徒。實政應天。咎徵自弭。自結履繫。  
履解自結。不敢慢人。愛敬國士。勉勵庶臣。言雖

近譎智罕等倫終成霸業周室懿親夫婦如  
賓夫揖婦饁相待如賓敬為德聚德以治民閑  
邪守禮存誠體仁王化之始慎獨明倫託相  
獻規觀友知君方以類聚進賢信邪吉凶自取  
政順國安誠求良輔善相獻言宜循法矩廷  
理執法法嚴國強豈阿貴近有犯必懲紀綱不  
紊戮御斬輅太子懷愠避舍知愆善承父訓  
仁言動衆策騎巡軍一言衆感如挾纊溫寒威

頓斂其苦同甘披肝瀝膽恩信咸孚皆成勇敢  
因樂求賢升臺望遠其樂甚微求賢輔翼充  
實光輝德義篤好圖治庶幾繼文復霸從善不  
違得賢弭盜善者日親不善自遠位授上卿  
盜賊皆逃舉賢去邪為政大本勿貳勿疑盡抒  
忠悃敬器示戒古聖垂訓理足義深周廟敬  
器觸目警心虛傾滿覆中正咸臨能損斯益法  
言永欽金人示戒銘背金人慎言大旨勿逞

狂談妄肆。譽毀言必有中。去聲辭寡意美。若盡三

緘失之遠矣。賤貨尊賢。鳴玉賓筵。白珩言昧。

簡子失辭。王孫善對。玩好細微。奚足珍愛。所寶

惟賢。聖經記載。泣思直臣。泣憶敢言。飲酒不

樂。緘嘿日衰。誠求謇諤。聞過必更。豁達大略。納

諫力行。德業淵博。詢求政術。政術有三。忠信

勇敢。事君無欺。施令知感。去邪不疑。勿為搖撼。

治理可希。善言曠覽。誅絕佞人。信用佞人。六

年之久。未進賢良。黜善增咎。投畀洪波。揚清洗醜。除惡毅然。識高立剖。咨訪相材。君子小人。各有類聚。欲用相臣。視其所舉。文侯咨詢。李克善語。賢否判然。治功循序。式閭禮士。車過門閭。伏軾起敬。義富德光。隱居知命。致祿時詢。好忠好正。能退秦兵。禮賢息競。政術諭下。政有三要。全功成名。親賢布義。實踐躬行。手辦尤切。由晦而明。綜核諳練。治道日精。兩不失期。適

野乘驄親傳罷獵。因雨失期。中心未愜。不耽晏  
安。下情上接。守信無欺。民和政協。旌賢去姦。  
聽言觀行。信而有徵。虛美無據。實政堪稱。封賢  
烹佞。法肅國興。忠邪足證。毀譽難憑。敝袴待  
功。國君笑嚬。不可不慎。賞僭忘恩。衆玩失信。重  
施勸勞。人咸奮進。敝袴酬功。語殊鄙吝。井窺  
示警。誇譽貌揚。窺井實醜。宜聽正言。勿惑佞口。  
遠屏阿諛。登進益友。以古鑑今。淵衷虛受。教

子務學爲上創基修文圖治能慕真儒允稱上  
智教子親賢務學博識六經心殫四表光被  
條陳故事故事宜循先哲樹建率由力行監于  
成憲妄用更張益生枝蔓魏相敷陳守基要論  
嘉獎勤學勤學髫年文辭法律加冠遣歸長  
仍放佚入繼漢基舊章咸失慎簡元良循名責  
實下車問疾選擇宿儒授經及早辨論精腴  
日夕研討問疾下車尊師重道知本信賢基業

永保。遣使質疑。包咸傳儲。夙有令聞。顯宗敬  
恭。勤學好問。遣使詢咨。賜珍逾分。莅政不疑。獲  
于古訓。愛惜郎官。館陶乞恩。明帝守義。一官  
未俞。萬錢立賜。不可假人。唯名與器。爵濫民殃。  
政忘國棄。託物喻政。太守求賢。躬逢奇遇。拔  
薤捧盃。抱兒當戶。叶開門恤孤。清心去蠹。奚用  
煩言。妙喻善悟。禮聘遺賢。元纁束帛。禮聘樊  
英。降殿設席。致敬盡誠。延問得失。備極恩榮。未



聞實政。徒受虛名。師事名賢。求師於定。辭簡  
理足。朝夕觀摩。親承啟沃。素絲近朱。光輝朗燭。  
穎異不羣。見超流俗。教子讀書。小善必為。小  
惡勿作。漢書勤探。研鍊法略。命學申韓。難救孱  
弱。終於淪亡。鄙哉安樂。傷指自悲。八齡知書。  
挑菜傷指。豈痛而悲。別有意旨。身體受親。不敢  
稍毀。稟賦聰明。達孝之始。運甓習勞。朝暮運  
甓。自微怠荒。習勞身健。視為故常。安逸則弱。磨

鍊日強法天行健無逸不違 不賣的慮相馬

經傳的慮妨主賣去雖欣買者太苦移禍於人

奚如自取哲士立心擇仁師古 觀穫進規觀

穫云快至此力殫三時耕耨農事艱難克念胼

胝毋耽晏安知依無逸邛治大端 投籤警寐

創業知艱曷敢自滿投籤警眠席不暇煖興由

力勤敗因疎懶屢省乃成切戒怠緩 弓矢喻

政彎弧多年未知原委物尚如斯况於治理一

八萬幾。豈可自恃。兼聽並觀。盡善盡美。開館  
親賢。開館宏文。聚書萬卷。延納六賢。講論文典。  
稽古居今。責難陳善。治道日隆。史冊光顯。習  
射殿廷。海宇承平。恐生怠玩。安不忘危。治不忘  
亂。習射於廷。精勤勇幹。禦侮干城。邦家屏翰。  
崇師問道。魏王拜師。首問忠孝。立身成名。性功  
至教。為善存心。東平宜效。事親事君。咸得其要。  
上書減膳。太子內居。宮臣稀見。文偉直言。書

過減膳示警不阿省愆嘉歎好學尊賢基於弱  
冠觀圖自警屏書無逸朝夕心模漸忘警戒  
山水代圖心既怠惰圖亦荒蕪慎終如始為政  
善謨黃藥然鬚五王同居素敦友愛煎藥得  
痊然鬚何礙手足義深見理不昧親親意識史  
書詳載克已任賢用蕭順旨相韓知非臨鏡  
不樂逢迎肆詆克己信直貌瘦國肥始勤終怠  
幸蜀無依獎勸循良念切民生自擇刺史遣

使分巡肆為譽毀登樓賜卮褒獎冠泚得賢治  
成深知道揆樂受格言徵聘處士兩言敷陳  
治世大要首先愛民健行不息寡欲養身書屏  
時覽辭簡理純散遣宮人因災省愆宏仁雅  
量徧籍後宮百人遣放宜室宜家全消怨曠和  
氣致祥羣生成暢遵守舊章置甕投書滿即  
焚棄成法講求舊章不易無稽之言何益政治  
忠告恐湮義未詳備論字知非諭德輔儲善

道宜述。書法雖佳。六藝之一。旦言先知。緝熙宥  
密。基命東朝。慎選良弼。常讀論語。賢相讀書。  
論語探討。節用愛人。心存懷保。未能躬行。時習  
悟道。先聖格言。豈尚華藻。焚香告天。鐵面立  
朝。糾彈曲枉。出任成都。琴鶴偕往。拜告穹蒼。昭  
明在上。理順心安。不愧俯仰。借事納忠。聖賢  
法誠。具在經書。繪圖進獻。益聞嘉謨。準時酌古。  
善行廣敷。養正郅治。勉守德隅。嘉慶十有六年。

歲次辛未嘉平月之上澣御筆鈐寶二嘉慶御  
筆典學勤政

臣工恭跋

欽惟我

皇上生知安行緝熙典學

聖製詩文無不熟復而於

題養正圖六十事詩尤為

經緯所服習者也頃以

萬幾餘暇。按圖系讚。亦如其數抒。

淵微之睿識著。

論贊之鴻文。夏乎懿哉。固已昉。

二典為一書合。

後

先而一揆矣。臣等紬繹而伏思之。竊見。

睿製經緯倫常。莫不探蹟索隱。精義入神。至若。

謂三緘之不同。指口。散誇之不足。賞功。習文法之。



不仕元良。教讀書之難。救孱弱易。無逸之始。勤終怠。拒浮議之忠告。恐湮。益以仰。

大公至正之歸。覈重輕得失之準。焦竑圖解。節取一端。尚未足為定論也。然惟

聖人永肩一心。備賅夫聖功王道。始克發揮至當。理蘊無遺。茲復

親灑宸翰。裒為寶冊。

申命宣示。

特許綴名簡末。臣等才識卑陋。又何能仰贊一辭。  
罄形容於

天日哉。臣趙秉冲。臣桂芳。臣黃鉞。拜手稽首恭跋。  
鑒藏寶璽寶笈三編。石渠寶笈所藏。嘉慶御筆之  
寶。執兩用中。

御題月令輯要一冊

〔本幅〕宣紙本摺裝四十四幅皆縱八寸橫一尺一分

御筆楷書

題月令輯要有序  
論語曰天何言哉四時行焉百物生焉人君循時令以稽治功驗氣候以  
亟民事明堂施令之典所由重也我

聖祖仁皇帝體元立極敬授人時

特命儒臣取月令廣義舊編芟冗補遺纂成月令輯要一書凡上圜之象緯下土之風俗以及朝廷政教之大閭閻日用之常庶物庶類芸芸秩秩之殊條貫兼綜燦然具備恭讀

聖製序文有云合於體要而切於實用乃是書之大旨也書凡二十有四卷其目為歲令每月令春令正月令二月令三月令夏令四月令五月令六月令土王令秋令七月令八月令九月令冬

令十月令十一月令十二月令閏月令晝夜令  
時刻令每令之下以類分載為天道為節序為  
日次為政典為民用為物候為占驗為禡紀於  
國計民生舉足以資考鏡焉爰以萬幾之暇擊  
其大要紀以篇章於天道陰體乾之衷於節序  
叅消息之蘊於日次課就將之功於政典宣勅  
幾之勤於民用劬康田之念於物候識蠅蠕動  
植之應於占驗禡紀覘古今人物博學多識之

能共得題八十有一。歲令合每月令。題凡二十。  
取十端十形之數也。其四時令。題每季凡十有。  
二。取人道六制之義。因而重之也。閏月令。合晝。  
夜令。時刻令。為題凡十有三。亦歸奇於扚之理。  
也。要之乾元用九。故周流不息。天數成於九。故。  
循環無端。合九九而日月時之運行。遂無不賅。  
此予命題分詠之所託云爾。曩曾著幽風時序。  
歌第就幽詩所述。寓古俗之敦龐。又著二十四。

氣詩則專叙節氣中氣而事類在所從略他如耕織圖棉花圖春夏秋冬四生詩皆事有專屬義惟各當與今此題詠不相襲而實以相成予撫辰省歲惟懷永圖孜孜焉疊疊焉對時育物之心有發揮於不能自己者也詩成用申叙引誌諸簡端歲時令每月令王省惟歲作邦基變通莫大乎四時元為善長肇春始體仁生物品彙滋繼以亨者嘉之會羣類咸暢夏令宜利

用和義遍成實。秋收順序妙措施。貞固藏修事  
完備。冬轉一陽來復期。乾坤幹運至剛大。四德

一貫衷敬持。

右元亨  
利貞。

居所衆星拱。三階列璣

衡。序依上中下。先君次公卿。士庶咸仰望。等級

瞻分明。負宸御六合。堂陛尊式程。亮工臣盡職。

有道民無爭。體乾培大業。不息法健行。陰陽順

風雨。亭毒相生。生宇宙樂豐美。化洽慶太平。

右泰

平。

黃帝得崑崙之管。候氣全符天地中。調聲



協序極和順。十二律應十二風。鼓盪庶物舒鬱。滯萬賴感觸咸暢通。開甲散冑廣位育。曰聖時。

若希寸衷。

右十二風。

乾健坤順。品物生資。始厚載。

以信成時。風吹萬布春德。失序果實難發榮。夏暑宣達土肥沃。愆候則長遂不精。百穀既堅潤。秋雨為霖積潦皆棄傾。冬寒應律待陽復。貞下起元妙運行。天施地化立人極。飭紀循典致敬誠。

右以信成物。

水火木金土。箕疇序五行。中和氣。

所感。天地數相生。順序陰陽。協司時化。育成歲。

功萬物受。妙化贊神明。

右五行。

汜勝紀農候。民

天務合宜。耕為田功始。其本在趣時。和土春凍。

解。舉趾毋後期。地脈既通暢。夏至一陰資。暑盛。

土用事。膏澤待透滋。秋分氣和順。不違庶屢綏。

右耕在趣時。

人君建極。凜繼續。中正奉三屏。私曲。

德輝於內。和外充。美如玉而明。若燭休徵降康。

沐豐登。寶命昌熾。易民俗。陰陽合序。四時調氣。

機感召理誠篤

右玉燭

神農理天下欲雨必依

旬時若庶徵協欽哉聖德純政修肅乂應化洽

澤膏勻願錫和甘普滋培遍綠

右神雨

粵宛

滋蕃和氣凝嘉生茂育慶三登麥禾黍稌以時

茁暘雨燠寒應念徵溫飽均平億兆普倉箱洋

溢萬千增難酬斯願同民樂大有豐年厚福承

右豐年

四時天籟揚配聲理高邈春融振勾萌

觸地戴芒角徵祉暢繁昌盛美被優渥正宮居

中央審音別清濁。章度義取商。稔熟庶彙俾聚。

宇遍覆舍同和成大樂。

右五聲配時

天何言哉四

序行地道厚載百物生。崇效卑法作者聖。無為

而治觀其成。原美達理養心德。存神過化基至

誠致中和則廣位育。本根體驗政事明。

右天地本根

元后御六合立綱作君師。財成天地道輔相。

健順宜取其陰陽節。出納定措施春崇寬仁政。

夏符長養時收斂事成序。蓋藏物不遺經世盡。

民願召和臻皞熙

右財成  
輔相

日景測端正土圭

求地中暑寒別長短朝夕辨陰風尺度高低準

歲時燥潤充周官傳古法刻漏理相同

右土圭  
測景

數典擾兆民司徒掌邦教四孟諏吉辰讀法

盡化導親民殫至誠啟迪知忠孝勸勉多善良

觀感少強暴鄉黨鼓太和趨向相仿倣經正庶

姓興蕩平道路臨

右讀  
法

上古紀官名義奇以

鳥以龍各授職黃帝分任雲瑞昭炎帝司時用

火德有虞始絕地天通正位定名治萬國為政

安民在得人好異復古自滋惑

右紀官

觀民豈

豫遊時巡事功集方春親省耕不足沛恩汲秋

成或歎收省敏助不給我朝疆宇恢奚能身徧

及入告即博施實力拯救急有孚元吉占遐邇

普和輯

右省耕省敏

稽古帝舜德升聞上蟠下際

變庶物鳳翔麟至慶登咸承風揚化海隅迄仰

止聖蹟衷慙惶時不和由政多闕幹旋理氣盡

敬誠。垓北陶鈞。無垠窟。

右化若四時。

上天粒。蒸民。

九圍被恩澤。率育胎來牟。五穀獨貴麥。秋種盈。

壠青。冬長培雪白。春秀溢東臯。夏實場院積。得。

氣貫四時。中和充地腴。勤勉教三農。力田庶有。

穫。

右春具四時氣。

堯廷多瑞應。冀英茁階前。生必依。

期展。落仍隨日遷。天時自幹運。地氣妙迴旋。德。

化敷羣植。平成庶績宣。

右冀英。

荷池菊圃。候無。

差。貫序獨標四季花。漫襯春榮。逐秋實。長舒翠。

蔓燦紅葩。蕊開自應時時。卉秀拓欣敷。月月華。

不改暑寒性。恒久還殊松柏後凋誇。

右四李花

春

令子丑正天地。人生寅極昌。登明蘇萬類。開泰

啟三陽。歲始兆蕃育。春元粹喬皇。綢繆化醇普。

一氣運無疆。

右天地交泰

履端於始。本生寅。序則

不愆。四季伸。歲月日時啟元旦。善嘉義事肇初

春。虞書輯瑞班羣后。晉志來庭列衆臣。告朔設

朝儀典備。太和王會億年循。

右履端

東方啟青



陽○萬物出乎震○斗柄初指寅○執規司令信○氣和  
闢土膏○地脈含滋潤○羣生樂雍容○茁長勾芒振  
化機動陳根○暢達發榮迅○資始仰健行○坤厚承  
乾順○右出震開春交泰致和中○陽奮鳴雷動蟄  
蟲○時若滋培益霰霽○殷其鼓盪作豐隆○羽毛孕  
育伸潛伏○草木榮華遍洽充○潤浹土融澤饒美○  
無為有象兆成功○右開春雷雨冰合既堅實○滌凍  
待俊風○凝解總一氣○上和下亦融○至後六十日○

陽舒脈土克七旬陰感化出興興田功潛伏暢

積滯廣生亮天工始耕勤務本力作望歲豐右

風滌菜圃初開甲辛盤薦早春芹芽方尚食後

蘆菰始嘗新街市榼樽饋宮庭几案陳朝班徧

分賜佳話紀乾淳右春生氣方盛陽德敷勾

者畢出萌盡達始青宣豫順時和施惠及貧不

可遏庶彙解甲感棣通物感稅枯復蘇活養仁

行義參化機崇效卑法元樞幹右包貢出達

傳燈夕。來從閩嶠南。團團伴粉荔。馥郁蘊黃柑。

中使頻分棹。外藩競滿籃。菓筵開五夜。湛露盛

儀覃。

右傳柑。

司分元鳥降。應候載飛揚。啄草睇

新宇。銜泥補舊梁。風簾翻上下。雨砌互迴翔。作

室擇清潔。何須戀謝王。

右燕乃睇。

廿四番風候。豈

訛百花生。日應中和洛陽。自昔名葩煥。金谷從

來韵事多。欲禁槐烟開爛漫。乍濡杏雨舞婆娑。

爭舒競發園林滿。九十韶華豔綺羅。

右花朝。

暮

春上巳時和暢禊事初修選野坳細乳垂桐葉  
始碧嫩茵鋪甸草全青茂林列坐臨崇嶺曲水  
流觴到遠汀遊目騁懷信可樂文房墨寶著蘭

亭

右修禊

欲驗新耕候宜乘杏始華土輕初舉

趾花落復連韞求葉柔方採飼蠶時勿差知依

念民事稼穡並桑麻

右杏花桑葉

夏令萬彙樂生

生夏德敷長養恢台陽氣充南訛發育廣薰風  
應時披解愠更延爽甘雨遍霑濡渥足蘇土壤

蕃植既盈田任興愜舒昶權輿及清和百穀待

豐穰

右恢台

釋典傳佛誕四月八日生九龍衛

白象捧足蓮花瑩三十二相具超異天瑞呈波  
淪金身浴妙香散潔清心印示圓覺普濟誓願  
宏六道憫沈溺灌頂貪癡更

右浴佛會

建巳之月

庶物達原濕田疇土膏活勸民力作物失時農  
為邦本工商末人事盡斯地利收天壤良畬最  
廣濶勤則不匱怠必荒學業治功遍包括

右命農勉

作。

東武傳名邦。佳名肇大蘇。佛垂寶纓絡。花

疊玉盤盂。瓊蕊香充滿。白毫光遍敷。拈花天雨

布。庶植沐涵濡。

右玉盤盂。

蕤賓應律節。天中道錄

相沿地臘崇。縷結千絲延壽命。梭包九子兆熙

熊。戶懸蒲葉凝烟綠。階爍榴花映日紅。動植滋

榮生氣溢。絢縕成化廣昭融。

右天中節。

唐時寶鏡

鑄江心。應念鍾靈龍護臨。瓊粉磨瑩選期吉。銀

膏鎔範用功深。光輝澄朗一泓水。變化飛騰百

鍊金神物呈奇陳殿陞厚生滋稼降甘霖

右江心鏡

夏至一陰生及時宜浚井架木文石環轆轤

傳修綆地底出寒泉清冽甘芳永愈汲澤不窮

觀象發深省養民戒吝施勤恤救災青勿幕元

吉孚三思易理憬

右浚井

舜作五弦播琴韻習

習南來序不棄風之時兮阜民財風之薰兮解

民愠羣生遂長應南訛聖人協紀鼓太和清涼

舒暢消溽暑成德吹萬受益多

右南薰

溫風結

霧釀濃陰。大雨時行。暢作霖滋。忝長禾浹。廣甸  
濯枝潤葉。洽繁林滂沱。雲嶂遙遙。嶺巘歷烟溪。  
迷遠潯。下尺澤。深生上八。兆豐喜。慰庶民心。右  
枝雨。季夏祥光現。名山紀霧靈。東連羣嶺碧。北  
接眾峯青。明代置關隘。清時在戶庭。龍蟠虎踞  
境。佳氣達空冥。右霧靈山。至後第三庚。應期金氣  
伏。初中末。依旬藏。修廣化育。陰陽順序行。夏養  
繼秋肅。攝生心靜舍。勿為形役逐。大暑蘊赫炎。



招涼坐厦屋。扇暍念民艱。轉盼商飈速。右三伏。

坤厚配乾健。无疆沐渥施。萬物皆致養。寄旺於

四時。黃中載品彙。五行氣體隨。季夏益充盛。精

華普繁滋。土德誠茂美。致和位育宜。資生居正

位。木火金水基。右萬物致養。秋令少皞司。九秋乘

兌應素節。執矩暢觀成。萬物之所說。甫田百穀

盈。坻京積無缺。三時暘雨調。和氣普凝結。清商

爽籟調。頓豁赫炎烈。庶姓樂年豐。染盛奉精潔。

右萬物  
所說。

田畯劬農功匪懈春耕夏耨及秋成

郊原省斂豈遊豫問俗觀豐惠庶氓每歲時巡  
舉孟秋欣看多稼滿田疇蠲租奚待收成歎勿  
問吉徵易理悠

右秋  
豫。

良日初秋舊記述雙星

夕會道流沿渡河誰見駕烏鵲守拙終勝乞巧  
儼仙降耕車近誕妄語申禁殿孰傳宣女牛觀  
象司耕織御苑祈豐例設筵

右良  
日。

寶鑒紀夷

則清輝隱洛陽鑄成時有待井竭鏡難藏四象

迴環置兩儀左右彰千年出塵世應感現光芒

右夷則之鏡

秋葵載花譜忠客具丹忱自表迎陽

惓常舒向日心風霜耐時久雨露感恩深照耀

鵲黃萼團團百盞金

右秋葵

中元僧寺會孟蘭

露潔風清暑欲殘緣結十方心普印盆陳百菓

味同餐縛筠為飾香燈繞剪綵模花錦綺攢七

寶莊嚴作供養羣生飽煖免饑寒

右孟蘭盆

教獵

練五戎獨田制自古選徒用三驅禽獸順時取

我朝舊習沿上蘭歲講武秋爽塞圉高泉甘兼

沃土旬餘即旋鑣推恩洽藩部示度不擾民長

楊奚足數

右偏

閩南生橄欖青子落紅鹽乍

覺齒牙濕應知芳馥潛漫憎一味苦終有十分

甜可喻納忠諫回甘美善兼

右橄欖

候應中秋

端正月九霄圓鏡放光明輝凌星漢三台朗照

徹山河萬里清蟾窟高寒尤皎潔桂輪充滿倍

晶瑩天香雲外聞仙馥金粟瑤枝亘古榮

右端

涼宵白露降。滴草警胎仙。松壑清聲戛。蘭皋

逸響傳。流音徹溪霧。弄影刷林烟。霜信山莊早。

峰頭鳴雁連。

右鶴警露

九日登高典故稽。霜清旭

皎散浮霰。渭亭駕荏臣僚扈。江閣舟來賓主僎。

共佩萸囊燦錦綺。同斟菊釀注玻瓈。粉餐糕糗

陳佳宴。夢得拘牽不敢題。

右題糕

東籬秋色滿。

採菊應重陽。層疊葉敷翠。團圞蕊燦黃。旭烘益

光彩。霜點倍芬芳。摘取落英食。甘泉溢茗香。

右採

菊

冬令斗柄初北指。玉律應小陽。冬成德貞。

固顯頌乘坎方。三時農務畢。百穀盈倉箱。納稼。

樂稔歲。比戶謹蓋藏。肴羞獻尊老。稱觥躋公堂。

羣生普和暢。壽宇開無疆。

冬。右上

陽月欣融煦。

時和煖似春。顯仁敷化育。藏用幹陶鈞。菊燦籬。

根久。梅開嶺上新。黃綿被里巷。燠體洽黎民。右小

陽候氣相傳始漢書。靜參易理悟盈虛。從方。

加律葭莖抑。重室密帷塵燼除。地德含元順序。

養天心生物應時舒待看灰動一陽復體驗樞

機太極初

右發灰動

象臺占太史長至歲書雲應

候望佳氣初陽燦錦霽年時兆和宅天地結網

緼義馭青精翼扶輿賜彩霞

右初陽霞

霄結同雲

散瑞雲花飛六出漾縱橫琪葩餞臘田占美粉

萼先春梅遜榮風舞素粧紛皎潔日烘銀蕊燦

晶瑩表豐等伴玉階積三白齊開萬樹瓊

右雪花六

出

一陽初復始九九繪成圖計日韶華近消

寒暖律敷。梅英先燦白。杏蕊繼研朱。八十一日。

足春光滿帝都。

右九  
九圖。

節物紀帝京。嘉平臘八。

日。佛寺香粥陳。和味用棗栗。擊鼓迓三陽。星回。

歲功畢。例事幸瀛臺。萬善殿名移清蹕。閱武觀冰。

嬉。行賞兼戒逸。唐時賜口脂。瑣細近樂佚。

右臘  
八。

秋穫田家有蓋藏。臘日舂米一歲計。出碓運。

杵力作齋。節勻百斛用功細。隔籬圓潔皆精腴。

土倉瓦室貯次第。不蠹不腐常鮮新。數日勤劬。



經年濟耕九餘三地利收比戶豐盈國用制天

下為家大經營損上益下本原繫右冬春未古制

巫咸始嘉平設大儺驅邪迎歲吉送疫召時和

赤幘紛揚盾皂衣遍執戈政修六氣順近戲語

非訛右驅儺蠟梅標卉譜雅號小黃香磬口蕊

初放檀心馥遠揚發舒殘臘豔漏洩早春光瓊

萼南枝報終輸雅淡粧右蠟梅歲杪制國用戴

記著論詳九賦均九式五穀收豐穰度地之大

小視年之歉康。量入以為出。任民守憲章。考成  
日月計。參互虛實。彰民力。益寬裕。經邦慎典常。  
右制國用。照徹田蠶婦子嬉。圍爐守歲太平時。方

欣饑臘倉箱足。恰值迎年福祿宜。爆竹喧階兒  
共樂。屠蘇設宴吏應遲。宮中賀節辦香祝。如願  
大同遍屢綏。右守歲。閏月令帝堯。格上下。欽若

天象垂。三百六旬衍。以閏定四時。歸餘數恰合。  
氣候無速遲。積分成一月。寒暑相推移。百工允

釐序。庶績欣熙。居門釋字義。闔扉語近奇。右定

時成

梧桐可知。閨生葉十三符。六疊月相應。

一增。英略殊節。添似蓮藕。實益類苾苾。格物氣

機。感變時。握化樞。

右桐葉  
知閨

三月司一時。春夏

秋冬置。氣候漸遷移。閨餘歲功備。序正庶物昌。

應令以作事。勤力務農桑。降康沐神賜。誠求天

紀詳。厚生均樂利。計日不差訛。孔修六府治。右作

生事厚

神農觀法。天地平。削桐為琴。通神明。十

有三暉一象閏中和感召絃合聲女媧笙簧以  
匏製七政節宣六合濟鳳尾應律與月同古聖  
作樂兼省歲

右琴暉笙簧

晝夜時刻令天體本健

行元會無終極循環斡化樞晝夜常不息臨民  
握乾剛力勤盡君職夕惕復朝乾惜陰儆漏刻  
玩日而愒時政道必否塞公卿戒怠荒夙夜勉  
輔翼聽鑰思敷陳待旦有所得明良鼓太和治  
修綱紀飭行

右天健

建極臨寰寓當陽日正中輝

涵四表。遍光被萬方。同明作彰。焜燿重離著。顯

融時乘。宜普昭天下。仰崇隆。

右宜照下。

天樞幹

宗動。圓蓋括地垠。萬古居其所。衆星拱北辰。機

紐。運轉躔度宵晝循。皇建其有極。用敷錫庶

民。體乾行健德。過化而存神。綿區太和洽。匝宇

同歸仁。

右天樞。

易著康侯錫蕃庶。一晝三接羣

稱譽。集解在下象三陰。近於附會說無據。臨軒

日見衆臣僚。夙夜在公昕夕朝。亮采敷施交泰

協前席勤宣良法超

右畫日三接

無逸勤為政自

朝至日中惠鮮救民苦懷保念田功德茂邇遐

化道修風俗同時哉寸陰惜復旦耀高空

右咸和萬

民

惟皇立極授人時在上洋洋日監茲序協

陰陽化咸被命基宥密念毋馳就將為學光明

顯夙夜單心兢業思旰食宵衣無暇豫篤行不

懈致雍熙

右基命宥密

農夫力作歲不改明動晦

休無日息春耕夏耘獲秋冬是薦是藁豐年待

政如田功日夜思慎始圖終曷敢遲植良去莠

疆理正有獲在勤勿玩時

右政如農功

夜雨晝宜

晴田家兆太平曝暄迎日麗膏澤入宵盈霖沃

夕雲濕霧開曙宇清休徵符肅乂大有慶西成

右太平晴雨

挈壺古法良知時以理事晝夜十二

辰較量坐而致四匱注水盈天池夜日蕓銅荷

引渴烏木箭迭昇墜漏刻無舛訛氣機妙用意

洋鐘雖自鳴製作近巧偽敬授惜分陰尺璧漫

稱瑞勤政實不遑。乾惕望郅治。右翠嘉慶十有

七年。歲次壬申。中秋之月。御筆。鈐寶二。嘉慶。

鑒藏寶璽寶笈三編。石渠寶笈所藏。嘉慶御筆之  
寶。茂對時育萬物。



御筆明窗四箴一冊

本幅紙本。摺裝十幅。皆縱三寸四分。橫六寸九分。

御筆楷書

明窗四箴。志道。建極臨民。立志及早。心希聖賢。合於要道。理有當然。事忌偽造。致知。究厥琢磨。探討意念。既專。性靈朗皓。不惑他途。風行偃草。新進高明。坦蕩懷抱。修業毋荒。寸陰宜寶。

據德。學業在勤。動循法則。居尊咸臨。克己正直。  
有得於心。庶幾明德。據以堅剛。守以定加。恒久  
功純。自強不息。始終操存。衆善日植。處正祛邪。  
時幾敬執。保泰持盈。致中盡職。依仁天臨。宸  
宇付畀一人。乘乾出震。愛育兆民。政平治協。存  
養精神。時習不懈。依於至仁。太和翔洽。我澤如  
春。誠求勿易。日引月伸。博學篤志。道備德純。知  
其所止。聖言永遵。游藝内外。交修本末。相濟。

心兮最虛。恐有繫繫。物欲屏除。以禮節制。萬幾  
之餘。游於六藝。涵泳淵源。養和導滯。性情安常。  
循理治世。凡淨窗明。四箴手製。帝學全功。惕思  
紹繼。嘉慶十有七年。歲次壬申。長至月。下旬。御  
筆。鈐寶。二。嘉慶。

臣工恭跋

嘗讀書曰。道心惟微。又曰。克明俊德。又曰。民  
罔常懷。懷於有仁。又曰。予仁若考。能多材多

藝蔡傳云。道心難明而易昧。惟精以察之一  
以守之。道心常為之主。而人心聽命焉。是志  
之說也。俊大也。克能也。有據之義焉。依者不  
違之謂。私欲盡去。無適而非天理。懷即依也。  
禮樂射御書數。皆至理所寓。帝王游藝與儒  
生異。而動息有養則同也。欽惟我

皇上以堯舜禹湯周公孔子之心傳。

發而為道德仁藝。固已浹洽孩提。彌綸六合矣。然

猶

聖不自聖

著為四箴臣等伏讀

志道箴曰。理有當然。事忌偽造。致知究原。琢磨探討。

堯舜之精一也。

據德箴曰。據以堅剛。守以定力。恒久功純。自強不息。

放勳之克明也。

依仁箴曰。時習不懈。依於至仁。太和翔洽。我澤如

春。懷於有仁也。

游藝箴曰。涵泳淵源。養和導滯。性情安常。循理治

世。

堯之煥乎。具有文章。

舜之濬哲。文明也。

天德。

王道一以貫之。又豈僅儒生為學先後之序也哉。  
臣桂芳臣趙秉冲臣英和臣黃鉞拜手稽首  
恭跋

鑒藏寶圖寶笈三編石渠寶笈所藏嘉慶御筆所  
寶惟賢

御筆養心殿記 一冊

本幅紙本。摺裝十四幅。皆縱四寸。橫八寸一分。

御筆楷書

養心殿記。養心殿規制方位。已備載聯句詩注。茲不復記。特闡明養心之義。為臨民之極則。示奕葉之良猷。此記之所由著也。我

皇祖以中正仁和四字額於楹。



皇考聖製四箴書於壁。養心與旨。包括詳盡。燦若日  
星。昭如雲漢。調元保泰。立政治官。胥在於是。予  
小子親承。

庭訓宵旰三年。末學管窺。敬聞。

先謨。貽厥後嗣。俾知養心之要焉。自堯舜禹湯周公  
孔子。心傳聖功。純一不已。欽明濬哲。知人安民。  
所著典謨訓誥四書五經。莫非養心之奧義。欲  
求養心之道。舍此奚從。所謂廣大精微。無不備。

範圍曲成而不遺也。君臨寰宇。當以

天

地之心為心。順四時。理兆姓。籌暘雨。課農桑。常在一心之念。五紀覃熙。八徵協序。一心之感召也。以

祖

考之心為心。惇叙九族。作求

世德。惕思

開創之艱難。丕承無疆之恤。時凜守成之不易。厥基

永孚于休。一心所紹述也。敬惟

天

地

祖

考心傳於嗣君。付畀以大業。兢兢業業。常凜旦明。無  
逸克勤。孜孜不息。庶幾心不失養。永保丕基。正  
君心以正朝廷。百官萬民。莫不歸於正。正即養  
也。人各養其心。咸歸於正也。疊樞機於宥密。原

本於敬德之一心。古先聖王。得其所養。凝命立基。郅治要道也。朱子曰。盡心知性而知天。所以造其理也。能造其理。必得其養矣。志道據德。本仁祖義。有為則理順政和。無欲斯靜。虛動直。養心莫善於寡欲。誠法言也。若失其養。妄念滋萌。其害可勝言哉。常養道心。功夫。毋間。則人心屏除。理欲分明。閑邪存誠。光輝充實。咸有一德矣。道心為天理。人心為私欲。能於人所不知。已所

獨知之地。克去己私。復乎天理。涵養始於深宮。  
教養及於遠徼。祈

天永命。率

祖攸行。溯

列聖之心傳。以實心行實政。敢不勉乎。繫以銘曰。天  
下萬事。在君一心。照臨光被。至妙極深。端居九  
重。止仁遵義。有欲必濟。無為則治。苟得其養。衆  
萬從風。苟失其養。流毒無窮。理貫古今。洞如觀

火○治○亂○之○機○操○舍○在○我○堯○舜○桀○紂○作○聖○作○狂○聖○  
狂○之○別○詳○在○憲○章○癸○巳○

告

天○永○蒙○

昊○佑○丙○辰○元○正○大○廷○

手○授○仔○肩○負○荷○堂○構○瞻○依○志○勉○繼○述○念○謹○危○微○培○養○

心○源○承○

先○啟○後○殿○頌○於○昭○

家法敬守。嘉慶十有七年。歲次壬申。嘉平月上旬。御  
筆鈐寶二。嘉慶。

鑒藏寶璽寶笈三編。石渠寶笈所藏。嘉慶御筆所  
寶惟賢。

御筆省躬迪德 一冊

本幅紙本。摺裝十六幅。皆縱六寸五分。橫七寸七分。

御筆楷書。

遇變罪已詔。朕以涼德。仰承

皇考付託。兢兢業業。十有八年。不敢暇豫。即位初。白蓮教煽亂四省。黎民遭劫。慘不忍言。命將出師。八年始定。方期與吾赤子永樂昇平。忽於九月



初六日。河南滑縣。又起天理教匪。由直隸長垣。至山東曹縣。亟命總督溫承惠率兵剿辦。然此事究在十里之外。猝於九月十五日。變生肘腋。禍起蕭牆。天理教逆匪七十餘衆。犯禁門入大內。戕害兵役。進宮四賊。立即綑縛。有執旗上牆。三賊欲入養心門。朕之皇次子。親執烏鎗。連斃二賊。貝勒綿志。續擊一賊。始行退下。大內平定。實皇次子之力也。隆宗門外諸王大臣。督率烏

鎗兵竭二日一夜之力。剿捕搜拏淨盡矣。我大清國一百七十年以來。定鼎燕京。

列祖

列宗。深仁厚澤。愛民如子。

聖德

仁心。奚能縷述。朕雖未能仰紹愛民之實政。亦無害民之虐事。突遭此變。實不可解。總緣德涼。愆積。唯自責耳。然變起一時。禍積有日。當今大弊。在

因循怠玩四字。實中外之所同。朕雖再三告誡。舌敝唇焦。奈諸臣未能領會。悠忽為政。以致釀成漢唐宋明未有之事。較之明季梃擊一案。何啻倍蓰。思及此。實不忍再言矣。予惟返躬修省。改過正心。上答

天慈。下釋民怨。諸臣若願為大清國之忠良。則當赤心為國。竭力盡心。匡朕之咎。移民之俗。若自甘卑鄙。則當挂冠致仕。了此一身。切勿尸祿保位。

益增朕罪。筆隨淚灑。通諭知之。酌減令節禮

儀。諭諸王大臣。逆匪突入禁城。實非常之大  
變。今雖首逆伏誅。餘黨就戮。閭閻安輯。城市如  
常。此正我君臣卧薪嘗膽之日。永懷安不忘危  
之念。勵精圖治。夙夜在公。庶幾補救前非。仰承  
天眷。因思十月初六日。為朕壽辰。國家典禮。自初三  
日至初九日。俱穿蟒袍補褂。正日御正大光明  
殿受賀。此定例也。今歲突遇此禍。若仍照常年

典禮而行。朕實無顏受賀。况軍書交馳。邪氛未靖。尚有何心宴樂乎。非博虛名。實無暇也。向年俱進如意。即日回賞。原上下聯情之意耳。今遇大不如意之事。豈可復行呈進。朕不見此物。轉覺心安。見物思名。益增煩悶矣。今酌省繁文。副予警惕之念。諸王大臣愛戴之忱。仍可得伸。著於初五初六初七三日。穿蟒袍補褂。初六日。朕御乾清宮。皇子諸王貝勒貝子。公文武頭品大

臣○二品內廷行走諸臣○御前侍衛○乾清門侍衛○俱在乾清門內行禮○二品文武大臣○三四五品京堂○俱在保和殿階下○向乾清門行禮○除此俱在本衙門行禮○作樂排儀仗照常○不必宣表○行禮後○朕酌簡數人○進寧壽宮入座賜宴○勉盡一日之歡而已○至歲朝禮節○一切如常○彼時亦不矯情刪改○此次壽辰○實無心緒爾○諸臣勿行奏額○副朕苦衷為是○特諭○嘉慶十八年癸酉○季秋

之月。廿八日。御筆。鈐寶二。嘉慶。

鑒藏寶璽寶笈三編。石渠寶笈所藏。嘉慶御筆之  
寶。執兩用中。

御筆牘世宣謨 一冊

本幅紙本。摺裝十六幅。皆縱六寸五分。橫七寸七分。

御筆楷書。

盡心竭力仰報

天恩諭九月十五日之變。史冊所無。我君臣相率怠玩於平時。方罹此重罰。幸承

天



祖垂佑。雷厲風行。大逆立誅。餘邪漸熄。若仍諸事怠忽。苟且依違。是自作孽。不可活矣。只知私家為重。國事為輕。誠昏愚之極矣。有國然後有家。國破家豈能存。保國斯能保家。一定之理也。為今之計。密訪以滌其源。安良以杜其隱。譬諸虎狼噬人。馬能絕其種類。曳尾潛逃。亦可網開一面矣。以仁心化天下。尚有此等逆徒。若專事殘暴。禍不旋踵而至。

上蒼斷不保佑。可不畏乎。自今各思盡心竭力保國保家。平日恩怨勿借此有事之秋。先圖報復。先公後私。正心為主。先本後末。安民為急也。邪教之起。匪伊朝夕。操刀犯闕。詭計有年。州縣懼干處分。隱忍姑容。養癰貽患。至於如此。試問地方大小官員。何國之人。則曰大清國之人也。問其祿則曰君上所賜也。問其職守則曰我不知也。或曰與我何涉也。朕用是寒心。況本無才德之

主而庸碌者居半。實心保國之臣。力不能敵。深  
可悲也。諸臣各盡乃心。各竭乃力。辦實事。與朕  
看。庶幾仰答。

天恩轉禍為福。在此寸心耳。勉聽朕言。願同朕志。特  
諭中外文武知之。報。

天恩肅吏治。修武備。諭。

天佑我國家。迅雷除賊。大逆立擒。鎗斃踰垣之盜。雨  
熄舉火之謀。餘黨全誅。無一倖免。朕遭非常之

大變受非常之

天恩驚懼之餘益深乾惕故同內外諸臣洗心滌慮  
盡心盡職仰答

昊慈以迓承平之福念茲母忽予之至願也奸民以  
教誘人邪說充塞積有年矣直隸山東河南自  
督撫至州縣豈盡聾瞽乎緣私心太重以致吏  
治不肅也大吏待屬員明以奔競為才能暗以  
苞苴定高下遇一公務彼此推諉各顧處分上

下迴護所辦無實政。所議皆游辭。良知泯而利  
心深。戀人爵而輕天爵。小事吹毛以求疵。大事  
養癰而貽患。叢脞疲玩。怠惰因循。吏治之壞。至  
今極矣。逆賊竊視官庸吏玩。至於如此。有何畏  
憚。顧忌乎。始則斂錢聚衆。官吏不辦。終則揭竿  
肆逆。官吏不知。若非

天佑。尚可言哉。朕無知人之明。乏馭世之才。屢申勸  
誡。徒費苦心。依違遷就。習與性成。事前則漫無

覺察臨事則張皇失措事後仍漠不關心皆朕  
不德之所致也。諸臣各勉致君澤民揚名後世。  
切勿視此殊諭又不領會相率頌揚具摺了事。  
真不知朕之苦心矣。九重臯應何等尊嚴八旗  
守衛何等雄壯豈有數十逆賊哄然直進官兵  
空手遮攔立被殺害皆由經年累月不修軍器  
弓無弦矢無鐵刀鎗鈍敝大藥潮濕日前擊賊  
皆用瓦礫言之可羞軍威不振毫無紀律此皆

管兵大臣之咎。亦朕誤用之過也。逆賊盤踞京畿。伏藏禁闥。官吏廢弛。兵丁怠惰。軍器無用。皆見慣之事。是以大逆林清。自六月至九月。毫無顧慮。公然佈置勾結。為奸竟無一人舉發。誠怪誕之極矣。近日言事諸臣。可採用者。立見施行。留中不報者。實不可行者也。若顯斥其非。又以朕為拒諫。為君難。至朕尤難。為臣不易。諸臣未必能留意體會。亦太覺容易矣。惟祈

上天啟迪渺躬。用股肱心膂之臣。同心協力。挽回汙  
俗。庶幾補苴於萬一耳。特諭嘉慶十有八年歲  
次癸酉孟冬之月十日御筆鈐寶二嘉慶

鑒藏寶璽寶笈三編石渠寶笈所藏嘉慶御筆之  
寶執兩用中



御書君牙 一冊

本幅紙本。摺裝四幅。皆縱四寸五分。橫九寸一分。

御筆楷書君牙。

經文並識不錄。

三希堂御筆鈐寶二。嘉慶。

朱珪恭跋。

臣案書序。穆王命君牙為大司徒。或曰周公之後。或曰芮伯之後。蓋世臣也。穆王享國百

年○去○成○康○未○遠○其○言○皆○剴○切○體○要○所○云○雨○寒○  
之○怨○咨○思○艱○以○圖○易○有○寅○畏○懷○保○之○實○心○焉○  
我

皇上凝承

家○法○於○天○時○之○兩○陽○民○事○之○利○病○夙○夜○勤○勤○不○忘○咨○  
敬○臣○下○奉○職○者○敢○不○仰○宣○

德○意○以○對○揚○克○艱○久○政○之○實○哉○臣○朱○珪○敬○跋○鈐○印○  
二○臣○珪○

鑒藏寶璽寶笈三編石渠寶笈所藏

御書詩小雅七篇 一冊

本幅金粟牋本摺裝二十四幅皆縱一寸七分橫二寸八分

御筆楷書詩小雅魚麗至菁菁者莪七篇

經文不錄並識

繼德堂御筆鈐寶二嘉慶

朱珪恭跋

臣謹案詩小雅序魚麗美萬物盛多能備禮也文武以天保以上治內采薇以下治外始

於憂勤終於逸樂故美萬物盛多可以告於  
神明矣南有嘉魚樂與賢也太平之君子至  
誠樂與賢者共之也南山有臺樂得賢也得  
賢則能為邦家立太平之基矣蓼蕭澤及四  
海也湛露天子燕諸侯也彤弓天子錫有功  
諸侯也菁菁者莪樂育材也君子能長育人  
材則天下喜樂之矣事神與賢澤四海賚有  
功長育人材太平之德業備焉我

皇上誠格

天

祖澤被臣民○先憂後樂○制治保邦○孚於

宵旰○雅頌音作矣○臣朱珪恭跋○鈐印二○臣珪○

鑒藏寶璽寶笈三編○石渠寶笈所藏嘉慶御筆傳  
心基命○

御書詩雅頌四篇 一冊

本幅金粟牋本。摺裝二十三幅。皆縱一寸七分。橫二寸八分。

御筆楷書。詩大雅皇矣下武。頌清廟維天之命四

篇。經文不錄。並識。

敬勝齋御筆鈐寶二。嘉慶。

朱珪恭跋。

臣謹案大雅序。皇矣。美周也。天監代殷。莫若

周周世世修德莫若文王。下武繼文也。武王有聖德。復受天命。能昭先人之功焉。周頌序清廟。祀文王也。周公既成洛邑。朝諸侯。率以祀文王焉。維天之命。太平告文王也。皇矣之九德。左傳釋之最詳。鄭箋用之。蓋舊詁也。予懷明德。不大聲以色。維天之命。於穆不已。於乎不顯。文王之德之純。中庸引之。以言至誠之無息。上達之極功。蓋帝王聖賢心學之傳。



莫密于此矣。下武言武王之烈而永言配命。孝思維則。孟子稱之。升歌清廟。尤為禮之盛者。以上四篇皆周家得天求民盛德大業之所由致太平也。我

皇上繼承

世德。光於文謨而

孝思作求。篤於駿惠。繹九德而純一心。通

帝謂而儼對越。

御書陳此○蓋依仁游藝○取之左右而逢原矣○臣朱珪恭跋○鈐印二○臣珪○

鑒藏寶璽寶笈三編○石渠寶笈所藏○嘉慶御筆○傳心基命○

御筆節書大寶箴一軸

本幅金粟牋本縱七寸二分橫三寸四分

御筆楷書並識

今來古往俯察仰觀惟辟作福為君實難主  
普天之下處王公之上任土貢其所求具僚  
承其所倡是故恐懼之心日弛邪僻之情轉  
放

大寶箴一則嘉慶御筆鈐寶二嘉慶

玉池

御書志崇雅訓。鈐寶一。嘉慶御筆之寶。  
鑒藏寶璽寶笈三編。石渠寶笈所藏。

御書邵鳴雷與王穉登書 一軸

本幅紙本縱六尺七寸橫三寸一分

御筆楷書

登樓長望。浩然獨酌。瓊林玉樹。輝映左右。山  
下人家。柴門半掩。青帘斜飄。舞風雪中。而遠  
水含空。上下一白。金焦二峯。如冰盤浸。拳石  
叢筍。翁坐小艇。倚枯楊垂釣。時有片帆出沒。  
烟霞乍隱乍見。真奇觀也。

嘉慶御筆鈐寶二比德朗潤

鑒藏寶璽寶笈三編石渠寶笈所藏

宋董源溪山風雨圖一卷

本幅紙本。縱八寸四分。橫三尺六寸。墨畫。雲林茆屋。烟浦漁舟。無款印。

高宗純皇帝御題行書。

膩雲落脚雨森森。山色模糊樹影沈。曲盡人情寧爾藉。周書熟讀久關心。辛巳夏日御題。鈐寶。乾隆宸翰。

後隔水

御題楷書

黑雲排空山樹濕。村烟飄忽風雨急。漁舟兩三  
出溪湄。鼓棹張帆荷蓑笠。江鄉佳致具幘端。展  
觀祇覺波瀾漫。茅簷景况宛如見。勤求治理民  
難安。嘉慶壬戌仲冬御題鈐寶一。嘉慶御筆。

後幅題跋

題董北苑溪山風雨圖。黑雲擁高山。頃刻風  
雨至。剗然海潮聲。草木爭偃地。曠野少人行。



山僧獨歸寺。衲衣盡沾濕。敲戶何急事。倉皇  
村居民。乘屋亦何亟。一婢已抱甕。一婦更持  
器。重節惜盡卷。破屋家所寄。戴笠者漁郎。理  
網屈雙臂。老翁若望家。擔物終不棄。陸走尚  
甚危。水行可無畏。前溪波浪急。篙折水流駛。  
行者當早歸。居者當預備。良史為此圖。三歎  
有深意。想見晚來晴。雲淨山潑翠。始信霎時  
間。天工特相戲。匏翁鈴印二。玉延亭主。長洲

吳氏右董北苑溪山風雨圖。蓋是宋尚方之物。後為吳文定公家藏。文定好古博雅。所藏圖畫多若武庫。而最愛此卷。嘗攜之自隨。一時館閣諸公。悉經賞玩。而不輕題識。僅自咏選詩一篇。及李長沙篆其首而已。可見其寶愛之至也。文太史每從其家借觀。動經歲月。而亦不著一字。前輩不徒慎惜名蹟。其謙讓未遑之意。居然可見。不肖何人。乃敢輒以

惡札點汚。蓋深幸獲窺神品。不揣妄記姓名。  
非敢欲加評隲。况文定詩中已詳之。即欲置  
喙無繇矣。太原王穉登謹書。鈐印二。王穉登  
印。青羊君。

引首

董北苑溪山風雨圖。  
書。鈐印二。賓之西涯。

題籤

御書董源溪山風雨圖神品鈐寶一。乾隆宸翰。

卷內分鈐

寶璽

太上皇帝之寶

五福五代堂古稀天子寶  
八徵耄念之寶  
人情為田  
用筆在心  
乾隆御覽之寶  
乾隆鑑賞

古希天子壽

鑒藏寶璽

全五璽

寶笈三編

收傳印記

句曲外史元仕

印

半內府書印吳印

牛印。

謹案董源字叔達。鍾陵人。事南唐。為後苑副使。善畫山水。見圖畫見聞志。宣和畫譜作董元。畫史會要云。一字北苑。

宋王詵瀛山圖 一卷

本幅紙本縱八寸橫四尺五寸淺設色畫瀛  
山圖

御題楷書

晉卿妙筆圖瀛山村墟錯落凌烟鬣彷彿桃源  
隔塵世擎舟欲溯青溪灣怡情書畫性最鈍民  
安物阜遂吾願六合之內治已難六合之外存  
弗論嘉慶壬戌仲冬月隨安室御題鈴寶一會

心不遠

鑒藏寶璽

五璽全

寶笈三編

高宗純  
御題

謹案是卷

皇帝御題及題跋已載初編今止恭載畫上

又案王詵字晉卿尚英宗女蜀國公主為利  
州防禦使宋史有傳

明唐寅山居圖一卷

本幅紙本。縱八寸四分。橫一丈三尺三寸四分。設色畫山居圖。

御題楷書。

我愛解元畫。蕭疎逸趣多。坐觀千尺瀑。閒泛一溪波。掩映柳依陌。檀欒竹蔭坡。心期招大隱。鼎鼎佐調和。壬戌仲冬。御筆鈐寶一。比德。

鑒藏寶璽

全五璽

寶笈三編



謹案是圖已入初編今止恭載  
御製詩

明陸治丹楓秋色一卷

本幅紙本。縱八寸二分。橫一尺九寸二分。設色畫。秋山紅樹。古寺危亭。自題。雲開遙島。三山出。籟起寒空。兩岸聞。落盡丹楓。秋鏡濶野鷗飛點。亂沙文。陸治。鈐印二叔平。

高宗純皇帝御題行書

溪亭樹色誰為染。寺閣鐘聲儼若聞。却似江南秋未老。遠峯猶見黛螺紋。治末句沙文之文。應是紋。

字誤書甲申秋日並識御筆鈴寶二會心不遠德  
充符

題籤

御書陸治丹楓秋色內府秘玩鈴寶一乾隆宸翰

卷內分鈴

寶璽秀色入窗虛

古希天子壽

太上皇帝萬有同春乾隆御覽之寶乾隆鑑賞

五福五代堂古稀天子寶。八徵耄念之寶。

鑒藏寶璽

全五璽

寶笈三編

成親王書

御製養心殿記一冊

本幅紙本摺裝十幅皆縱一尺橫一尺二寸三分楷書

御製養心殿記

文前已恭書

款臣永理敬書鈐印二

臣永理

鑒藏寶璽

五璽

寶笈三編

張照書

聖祖仁皇帝

世宗憲皇帝

高宗純皇帝耕織圖詩并附圖八冊

本幅八冊第一冊十六幅二三四五六七冊  
俱十二幅第八冊十四幅皆縱二寸九分橫  
三寸三分書幅磁青箋本泥金楷書

聖祖仁皇帝御製耕織圖序

聖祖仁皇帝

世宗憲皇帝御製耕織圖詩

高宗純皇帝恭和

聖祖仁皇帝御製耕織圖詩

全詩俱刊載  
校時通考

畫幅絹

本設色畫各有標題浸種耕耨秒碌冊一

布秧初秧於蔭拔秧插秧一耘冊二二耘三耘

灌溉收刈登場持穗冊三春碓麤飯揚簸入倉

祭神冊四上耕圖以浴蠶二眠三眠大起捉績分箔

冊五採桑上簇灸箔下簇擇繭害繭冊六練絲蠶

蛾祀謝緯織綌絲冊七經染色攀花剪帛成衣

八冊以無款印上織圖

後跋

宋臣樓璣為於潛令繪耕織事事為一圖繫以五言獻之朝廷流傳藝苑元臣趙孟頫別為十二月圖月繫以詩我

聖祖仁皇帝深知稼穡之艱難勤念小民之依繪圖



鏤版題詩四十六章圖仿樓令之舊詩述痼  
瘵之情誠鞏固丕基之大本干祿百福垂之  
億載萬年者也

世宗憲皇帝在藩邸時亦曾一事為一詩皆五言  
皇帝在青宮遍和

聖祖仁皇帝原韻集俱流布海內士庶歌詠耄艾歎  
頌咸以為周家七月之詩述自臣下不得與  
我

朝絜其美大。

三聖人之篇什。其鍾祥集慶。當倍萬焉。顧未有萃而  
書之一冊者。臣不自量。忘其筆墨之陋。劣輒  
仿古人巾箱五經。為小本耕織圖。萃而書之。  
獻於

黼座。非敢竊附樓令之義。敬用申其屢豐之祝。詩云。  
自今以始。歲其有。君子有穀。詒孫子。于胥樂。  
兮。臣不勝至願。爰拜手稽首。恭紀。乾隆五年。

嘉平二十五日。臣張照敬書。鈐印二。臣照。

冊內分鈐

寶璽乾隆御覽之寶。每冊二。

鑒藏寶璽。

五璽。

寶笈三編。

勵宗萬畫

高宗純皇帝御製灤陽別墅詩意 一卷

本幅紙本縱六寸一分橫三尺二寸一分水  
墨畫灤陽別墅圖款臣宗萬恭寫鈐印一萬  
前幅楷書

御製灤陽別墅詩

疊樹層椒盡態青。灤江如帶瀉清泠。湧金何事稱  
圖畫。浮玉端知在戶庭。四季風光無盡藏。百城古

帙有餘馨。棲遲欲去還教住。山鳥留人亦可聽。乾隆壬申冬日。臣勵宗萬敬錄。鈐印二。臣宗萬敬書。

卷內鈐

高宗純皇帝寶璽。乾隆御覽之寶。

鑒藏寶璽。

五璽

寶笈三編。

勵宗萬畫

高宗純皇帝御題趙伯駒桃源圖詩意一卷

本幅紙本縱六寸橫三尺六寸三分設色畫

桃花繞塢小艇橫溪綠樹青山周環廬舍款

臣勵宗萬敬繪鈐印二臣宗萬恭繪前幅楷

書

御製題趙伯駒桃源圖詩

漁父重來舊路迷桃花片片水漸滿詎知洞口維

舟楫已與人間別。町畦桑柘陰蒙難。犬豕雲山春  
鶻鈔鑷谿。南陽劉子胡為者。却向丹臺問玉梯。款  
臣勵宗萬敬錄。鈐印二。臣宗萬敬書。

鑒藏寶璽

五璽

寶笈三編

勵宗萬書熙朝雅頌八冊

本幅紙本。摺裝八冊。一冊十二幅。二冊三冊四冊俱十一幅。五冊六冊七冊八冊俱十幅。皆縱二寸七分。橫三寸六分。前六冊五色摺書。

祈穀

常雩

園丘



方澤。

時享。

祫祭。

社稷。

朝日。

夕月。

先農。

太歲壇。

帝王廟

先師孔子并祈謝

社稷

太歲

天神

地祇各樂章旁註工尺樂節樂章俱刊載會典不錄後二冊畫

鐘磬石琴瑟簫排簫笛篳篥笙塤楹鼓搏拊祝敔

諸樂器圖并附說款太常少卿臣勵宗萬敬

書。鈴。印。二。臣。萬。

鑒藏寶璽  
全。五。璽。寶笈三編。

汪由敦書鮑照舞鶴賦一卷

本幅紙本縱一尺四分橫五尺一寸一分行

書舞鶴賦賦不款臣汪由敦敬書鈐印二臣

由敦敬書

卷內鈐

高宗純皇帝寶璽乾隆御覽之寶

鑒藏寶璽

全五璽

寶笈三編

汪由敦書孫綽遊天台山賦一卷

本幅紙本縱一尺五分橫五尺五分行書遊

天台山賦賦不錄款臣汪由敦敬書鈐印二臣

由敦敬書

卷內鈐

高宗純皇帝寶璽乾隆御覽之寶

鑒藏寶璽

五璽

寶笈三編

嵇璜書

高宗純皇帝御製夜亮木賦 一卷

本幅紙本縱五尺橫一尺六分楷書

御製夜亮木賦賦見續編 款臣嵇璜敬書鈐印二臣璜

敬書

卷內鈐

寶璽乾隆御覽之寶

鑒藏寶璽全五璽 寶笈三編

拙璜書劉咸嵩山賦一卷

本幅紙本縱一尺五分橫四尺九寸三分楷  
書。繫山阜之停峙。均胚暉於元黃。諒凝形之  
有異。故奠位而不常。維嵩高之為嶽。獨穹窿  
而直方。雖同列於上下。實尊處乎中央。左襟  
帶於河洛。右控制乎齊梁。前屏列乎崆峒。後  
幃幃乎太行。彼泰華衡恒之四鎮。各東西南  
北於一方。茲蓋造化者自然之工巧。俾其與

天地同一久長。夫豈若尋常之培塿而屑屑然與羣山較利於豪芒也哉。觀其元氣淋漓。靈根盤結。磅礴縈紆。嶽巖截竄。質厚重而不遷。勢蜿蜒而聯接。量含宏而有容。神昭貺而莫測。萬象欽翕。兮森羅四時光景。兮明滅奕奕。奕大士之瑞芝。森森將軍之封柏。猗猗九節之菖蒲。燦燦三花之貝葉。彼四萬八千丈之天台。固僅能方其太室之三尖。而根盤五百



里之匡廬。曾何足抵其少室之數疊。若乃時  
和景霽。天高氣清。風生鵲唳。日出鷄鳴。霞彩  
凝兮錦繡錯。嵐光蕩兮圖畫呈。於斯時也。凌  
絕頂。履峻嶒。恍兮惚兮。不知有所謂崑崙之  
輿蓬瀛也。其或月暈星藏。煙霏霧暗。陽鳥匿  
影。虹霓橫漢。轟雷霆兮一聲兮。晴雨兮。山半  
於斯時也。挾天風。遊汗漫。窈兮閒兮。亦不知  
有所謂青城之與赤岸也。雖然。此特其朝暮

陰霽之常態而未覩其倏忽變化之形容。苟欲究其所以。則雖智者莫得而窮。彼其兩室諸峯。層出疊起。不叅不差。無偏無倚。在少室者三十有六。在太室者二十有四。或萃偉而崔嵬。或秀偉而妍媚。或迤邐而婆娑。或隱約而虧蔽。或羅列如兒孫。或比肩如兄弟。或蕭散如神人。或俊拔如豪士。或如蛟走而蚪蟠。或如牛眠而馬駛。或如理木之連枝。或如芙

蓉之並蒂。矯矯兮如飛。而翔飄飄兮如行。而  
止。于于兮如醉。而醺怡怡兮如悲。而喜。凡茲  
山之奇勝。所可愛者如此。然不指而稱焉。則  
亦莫能默而識之矣。故夫青童太白。子晉浮  
邱。玉人玉如。會仙虎頭。老翁過聖。兮相向黃  
蓋華蓋兮。疊榻鳳凰鳴陽。師子號秋玉柱壁  
立玉鏡光浮。三鶴積翠兮。排闥萬歲獨秀兮。  
凝眸卧龍起雲兮。淨如洗金壺元龜兮。翠欲

流○此○則○太○室○勝○槩○之○部○而○天○下○之○為○岑○者○莫  
得○而○俾○也○若○夫○東○朝○藏○祕○西○望○洛○邑○白○雲○連  
天○紫○霄○凝○碧○鉢○盂○丹○砂○之○可○觀○香○爐○檀○香○之  
堪○挹○羅○漢○寶○勝○之○可○尋○七○佛○靈○隱○之○難○覓○太  
陽○少○陽○之○巍○巍○石○城○石○筍○之○屹○立○紫○微○兮○藥  
堂○寶○柱○兮○瓊○壁○來○仙○卓○劍○兮○孤○高○翠○華○繫○馬  
兮○峻○極○紫○蓋○迎○霞○兮○如○丹○玉○華○白○道○兮○如○璧  
明○月○清○涼○瑞○應○天○德○白○虎○留○形○金○牛○見○跡○此

則少室勝槩之奇。而天下之為峯者。又孰能  
與之敵耶。又如琳宮梵宇。佛洞仙巖。蝌蚪出  
而書見。茁茁發而霜寒。龍池隱靈物兮潛處。  
天池通聖水兮潺湲。歷代尊禪。則有封祀之  
壇。往來經行。則有輾轢之關。凡若斯之歷歷。  
皆可考而班班者也。至若名傳於今。事出於  
古。測景定於周公。化石由於啟母。隱有棄瓢  
之許由。廉有洗耳之巢父。道有奕碁之八仙。

佛有面壁之一祖。其他奇蹤粲然可數。既不暇於細推。亦無能為之悉舉也。崇嘉號分以禮。尊祀典。分以誠。子以屏。乎藩翰。子以充。乎帝庭。俾海宇之臣子。咸永樂乎昇平。爰濡毫而景仰。紀三呼之頌聲。明劉咸嵩山賦。臣嵇璜敬書。鈐印二。臣璜敬書。

卷內鈐

高宗純皇帝寶璽  
乾隆御覽之寶

鑒藏寶鑑

五

寶笈三編

李世倬畫山水 一冊

本幅紙本十二對幅皆縱三寸一分橫二寸四分左幅畫山水。水墨畫松杉繞屋枕山面流。右設色畫策蹇溪橋垂楊兩岸。三青綠畫白雲青嶂掩映楓林。四淺設色畫古木數株。遙山一抹。五設色畫支筇觀瀑滿磴松風。六青綠畫洞口花明扁舟載酒。七淺設色畫柳堤春牧。風雨催歸。八設色畫蕉影滿庭荷。



香浮檻。水墨畫山亭如笠。高出林顛。設  
色畫花竹。四圍茆齋。眺月十可。設色畫江迴  
嶼。崎風利帆懸十二。淺設色畫雪色漫山舟  
橫野渡。各幅款。臣李世倬恭繪。鈐印。一世倬  
右幅觀保分題。欲抱山中雲。且濯溪邊水。數  
椽亦復佳。小構松杉底。五月卧涼風。羲皇應  
在此。不識採芝人。更入何山裏。春色畫平  
蕪。晴光濯新柳。好去看青山。莫負奚肩酒。小

寒識村橋。且袖敲詩手。約略句成時。可見山  
中友。聞說山水奇。殊非言語盡。惟憑筆有神。  
遂使奧難隱。高處看雲人。直窮變化本。誰  
得與之遊。千峯青嶙嶙。遂古何須色。太音  
不在聲。詳茲澹泊心。因識天地情。木脫見孤  
標。草意自含生。願得無懷人。入此為遊行。  
落落高松枝。下蔭千尺流。山老淨無雲。元氣  
包深幽。杖策者誰子。得此逍遙遊。不必發商

歌天地長清秋。聞說武陵漁。曾入桃源。遂  
今茲載酒人。得非尋往事。天地又清明。鶯花  
皆適意。為報洞中人。時平今可出。貪戲前  
陂久。遂已沒餘暉。風雨一時來。牛羊四散歸。  
不復及儔侶。顛倒牽蓑衣。山溪柳色昏。濕烟  
青微微。新荷已作錢。時候近長夏。陰深樓  
桂叢。水繞鴛鴦樹。幽人何處尋。畫永棋枰罷。  
庭院寂無聲。點點蕉花謝。疎疎植修篁。亭

亭蔭高樹祇覺烟霞深。稍辨林泉路。詎無濟  
勝心。亦有登臨具。更添杖屐人。步入雲深處。  
修竹千百竿。新花三兩枝。明月出東山。照  
此幽人姿。好風淡淡吹。為啟書齋帷。不忍卧  
良時。起咏春宵詩。大江一線下。九派海門  
通。自古慮波濤。何日開鴻蒙。羨此舟中人。櫓  
楫方從容。好乘清晏時。萬里駕長風。時節  
值陽復。太素開寰區。風聲不號木。寒氣非折

蘆

聖人有至意末令為斯圖大哉造化心欲返天地初

款臣觀保敬題鈴印一臣保

鑒藏寶璽五璽全寶笈三編